



# Ki-ayâwâwison, ahpô kinohtê ayâwâwison, ahpô namôya kayâs kiciwâsimisin?

**Ka-cîstahakawiyân anima COVID-19 ahkami ayâwâwisoyan ahpô nôhâwisowin kâ-kî-ayiman itasiwêwin pêhoyâhki osci nîkânihk kiskêyihamowin isi kanawêyicikêwin.**

**Nipakosêhtênân ôma masinahikanis ka-wîchikon ka-itasiwêyan ê-miywâsik kiya osci.**

Namôya kâ-cîstahôcihk iskwêwak/ayisîniwak êkwa otawâsimisiwâwa kâ-kahtinahkik COVID-19 ayiwâk kwêspinâtan ka-kahtinahkik ahkosiwin ahpô nipiwin.

Ka-ayâhk COVID-19 cistahakêwin apihtikwê namôya ka-kahcitinên anima ahkisowin, ka-nîkipayin ka-wanihat awâsis, nipit nôkisici, pwâmayisk kîsipimâtisici, êkwa kitawâsimis pihtikwahihci ahkosiwikamikohk (NICU). Cîstahikêwin ka-nîkipayin ka-kahcitinaman astostamowin, pihtikwâhikowiyân ahkosiwikamikohk, îhîwin apacihcikan ahpô nipîyini osci COVID-19.

Kahtinamani anima COVID-19 cîstahikêwin ikospê ayâwâwison, kimiyaw osihtaw maskihkiya ka-kanawêyimikot kiciwâsimis ka-ahkosit osci COVID-19.

Miywâsin ka-kahcitinamihk cîstahikêwin pokwêspîhk pwâmayisk, ikospîhk, ahpô itâp ayâwâwison. ôma itôtamowin osci kiskêyihamowin kahtinamihk 100,000 ayâwâwisocik ayisiniwak kanâta êkwa mihcêt kotakwak misawê askîhk.

Maskihkîwiyniwak\* sohkêhtamwak ka-kahtinamihk cîstahikêwin ikospîhk kâ-nohtê awâwêcik, ikospîhk ayâwêwin, ahpô nôhâwisowin/mâskiskan nôhâwisiwin. nakwac ayiwâk miywâsina isi kiya êkwa kitawâsimis.

\* Society of Obstetricians & Gynaecologists of Canada (SOGC), Public Health Agency of Canada (PHAC), College of Family Physicians of Canada (CFPC), Canadian Association of Midwives (CAM), National Advisory Committee on Immunization (NACI)



## Anima COVID-19 miywâsin niya osci?

Cîstahakêwina pîtosipayinwa anihi wîsakihtamowin, pâkipayowin ahpô mihkonâkowin êkota kâ-cîstahakowiyân, kîsisowin, nêstosiwin, têtakwânêwin, wiyâs wîsakihtamowin, pwâkamowin/sâposiwin, êkwa âniskokanân wîsakihtamowin. Kakahtinamihk ôhi itamâhcihowin êkwa êsi sohkaiki anihi pêyakwan kâ-ayâwêcik êkwa namôya kâ-ayâwêcik iskwêwak/ayisîniwak.

Kahtinamihk anima cîstahakêwin ikospîhk ayâwâwisowin namôya ayiwâk ka-ispayin ka-wanihat kiciwâsimis, ahpô kiciwâsimis ka-pîtasinâkisit, ahpô kotwakwa âstâsowina isi kitayâwâwisowin ahpô kiciwâsimis.

Kwêspinâtanwa ispayihowina tâskoc pimâtisiwin âstayihowina mayiskâkêwina, mitêy pâkipayowin êkwa wâsakâmihk mitêhk, watowa, êkwa micêstatay kicikâwin ahpô namôya waskawêwin anihi namôya tâpitaw ispayinwa.

## Miywâsin ci nôhâwisowin/ mâskan nôhâwisowin nciwâsimis kîspin nicîstahakowin?

Kwayisk kâ-ki-nôhâwison/mâskan nôhâwison kâ-kêsi cîstahakowiyân COVID-19 maskihkiy. Ayamihcikana osci ayisîniw tohtôsâpoya kâ-cîstahakowihcik ikospîhk êkwa itâp ayâwâwison wâpacihkâtêw apisîs cistahakêwin maskihkiy (kîspin kîkway) ispayin isi ayisîniw tohtôsâpoy.

## Anima cîstahakêwin maskihkiy ka-mêskocipayinwa cî kâ-takohtâkoyân ahpô ka-otawâsimisiyân?

COVID-19 cîstahakêwina ayiwâk ka-ispayinwa kâ-takohtâkocik isi pêyak ahpô nîso kîsikâwa êkwa mêskocipayinwa anima mihkowin apisîs. Mâka, ôhi mêskocipayinwa tepiyâhk iskohk atiht pisimwak kêsi cîstahakêwina. namôya masinahikâtêwa kîkwaya osci cistahakêwina awiyak namôya ka-ociwâsimisit ahpô ka-nîkipayik ka- ayâwâwisoyan.